

Sînor



Luqman Asîhî

Kerkûk di çavê Hecî de

Welê hatibû, êdî Hecî nedikarî nivêjên xwe jî li mala Xwedê bike, ew zû ji malê dervediket. Neviyê wî digot: Gava dengê firokan dihê pên wî xwe li çî cihan nakirin û dunya lê dibe qapûşka kezwanê, qet ji pêşmergeyan hez nedikir û ew şevên ku hindêk tîpên wan dihatin gundî û şîva xwe li wê derê dixwarin, wî qeseyên çewt û nifrînên Fîrewnan li wan dikirin. Roj derbaz dibûn û jimareya pêşmergeyan pitir dibû ta weha lê hat, êdê bi rojê jî di nava kolan û malên gundî de dihatin dîtin. Şevêkê; çaxê pêşmergeyekê hindêkê ji gundiyan re qala şorişê û şehîdan dikir, Hecî rabû ser lingan û bi serkolî pêşmergeyan re axivt: Niho we û Mela Mistefayî çî bihîstiyê, ku hûn ji sere van çiyên danakevin xwarê?!

Serkolî bersiva Hecî bi girnîjîn ve da, got: Em wê gaza Kerkûkê ji nav destên dijminan derxin. Hecî lê vegeran: Lawê bapîrê xwe, ma me çî bi gaza Kerkûkê gereke? Ne li vî gundî hemû salan beriya zivistanê dakeve û befr bibare, here malek tenekeyek gaz ji xwe re digire, têra bi ronî kirina çirakê şevên wî dike, vêca Kerkûk hûn û Mele Mistefa dev ji vî şerî berdîn. Ez êdî nema dikarim di mala xwe de jî ji ber dengê firokeyan di xew biçim. Wê salê çîroka Heciyê kal kete ser zimanê hemû pêşmergeyan û ji dil pê dikenîn, lê ji wê rojê û ta niho, şoriş hîn berdewam e û Kerkûk jî hîn Kerkûka wî zemanê Hecî ye, îro piştî borîna 40 salan li ser tirs û kujtinên wî, ez jî niho weku Hecî ditirsim ku sibe ji dengê firokeyan li mala Xwedê nivêjan nekim. Îro gerek tiştên din bihên kirin. Çî ye tinê siyasetvan pê dikarin...!